



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Disp. I. De natura virtutis

[urn:nbn:de:hbz:466:1-77355](#)

319

DISPUTATIO PRIMA.

DE NATURA VIRTUTIS.

Ad quæstionem 55. Divi Thomæ.

CUM natura cuiuscumque rei ex ipsius ratione generica & differentiali constet; ut natura virtutis plenè innoscatur, ejus genus ac differentia breviter h̄c explicanda sunt.

ARTICVLVS PRIMVS.

Quodnam sit genus remotum, & proximum virtutis?

VIRVTIS nomen multipliciter usurpat. **t.** V̄ri solet: Primo pro perfectione cuiuscumque rei, mediate vel immediate ad operandum ordinata; quomodo robur & sanitas virtutes dicuntur. Secundo pro re immediate ad operandum ordinata; sic qualitates cœlorum, quibus influunt in hæc inferiora, potentia animæ, & hujusmodi, cœlorum & animæ virtutes dicuntur. Tertio pro objecto & effectu alicujus facultatis; in quo sensu Aristoteles i. de celo cap. ii. vocat eam, *ultimum potentia;* & Joël 2. dicitur: *Ficus & vinea dederunt virtutes suas.* In eodem sensu miracula in Scriptura dicuntur virtutes, quia sunt effectus specialis & extraordinariae facultatis. Demum virtus sumitur pro quadam dispositione & facultate superaddita potentiis humanis, casque perficiente ad attinendum operationem bonam, ut tales. Et hæc est propria acceptio virtutis, de qua in presenti agimus, ejusque genus remotum & proximum investigamus. Hoc præmisso, sit

s. I.

Difficultas proposita dupli conclusione resolvitur.

Dico primò: Virtus non est in genere relationis, sed qualitatis. Est contra Scotum in 1. dist. 17. qu. 2. ubi docet virtutem non esse qualitatem, sed relationem prædicamentalem conformitatis ad rationem, aut coniunctionis cum prudentia.

Probatur primò ex hac definitione virtutis communiter recepta, quam adducit D. Thomas hic art. 4. *Virtus est bona qualitas mentis, quā recte vivitur, quā nullus male uitetur, quam Deus in nobis sine nobis operatur.* Ex quibus constat, quod qualitas est genus remotum virtutis, & ita virtus est in genere qualitatis, & non in genere relationis. Unde Augustinus lib. 1. de moribus Ecclesiæ cap. 6. dicit virtutem esse sapientis animi qualitatem.

3. Probatur secundò ratione: Virtus est quadam perfectio potentia superaddita in ordine ad operationem, quasi ipsam inclinans & facilitans ad

A operandum in determinata materia, ut patet ex dicendis articulo sequenti: Sed omnis perseretio potentia superaddita, in ordine ad operationem, est qualitas; nullum enim aliud accidens ordinatur ad operationem, præter qualitatem, maximè vero relatio prædicamentalis, quæ operativa non est: Ergo virtus non est in genere relationis, sed in genere qualitatis.

Probatur tertio, destruendo præcipuum Scoti fundatum, & ostendendo virtutem non constitui per relationem prædicamentalem conformitatis ad rationem, vel prudentiam. Quod præsupponit virtutem in sua essentia constitutam, non constituit eam: Sed relatio prædicamentalis, quam virtus dicit ad rationem, vel prudentiam, supponit virtutem jam constitutam: Ergo eam non constituit. Major pater, Minor probatur. Priùs intelligitur fundatum relationis habitus virtutis ad prudentiam, quam ipsa actualis relatio: Sed ubi primò concipiatur tale fundatum, intelligitur virtus jam in sua essentia constituta: Ergo &c. Minor probatur: quia quod hic habitus fundet relationem virtutis ad prudentiam, quam alius non fundat, non potest aliunde provenire, nisi quia est habitus bonus, conformis ipsi prudentiae; in qua conformitate sita est essentia virtutis moralis.

Quod explicatur magis: Relatio prædicamentalis quam dicit virtus moralis ad prudentiam, est relatio tertij generis, fundata in relatione transcendentali dependentiæ mensurabilis ad mensuram: quam proinde necessariò supponit, quia relatio prædicamentalis supponit suum fundamentum: Sed per illam habitudinem transcendentali constituitur sufficiens habitus in esse virtutis moralis; siquidem per hoc distinguuntur à ceteris habitibus, qui à prudentia non dependent: Ergo &c.

Dico secundò, virtutem esse essentialiter habitum, illumque habere pro genere proximo. Est etiam contra Scotum citatum, ubi assertit virtutem subiectivè tantum & de materiali importante habitum, cīque accidere, sicut habitus accedit potentia quam afficit.

Probatur primò ex Aristotele in prædicamentis cap. de qualitate, ubi virtutes constituit sub genere habitus. Et 2. Ethic. cap. 5. postquam ostendit virtutem non esse potentiam, nec actum seu affectionem, concludit esse habitum, dicens: *Si ergo virtutes neque affectus sunt, neque facultates, habitus necessarii sunt.*

Probatur secundò ex D. Thoma h̄c art. 4. ubi sic habet: *Genus virtutis qualitas est, differentia autem, bonum: est tamen convenientior definitio, se loco qualitatis habitus poneretur, qui est genus, propinquum.*

Probatur tertio: Virtus est sub genere quali-

4.

5.

6.

7.

DISPUTATIO PRIMA

tatis, tanquam sub genere supremo, ut conclusione præcedenti ostendimus: Sed quod continetur sub supremo genere qualitatis, debet esse sub aliquo proximo genere illius prædicamenti: Ergo cum virtus non sit sub genere potentia, passionis, formæ, vel figuræ, debet esse in genere habitus.

8. Probatur quartò conclusio ratione D. Thomæ hic art. i. Habitum est dispositio determinans subiectum ad benē vel malē operandum; sic enim scientia, & aliae dispositiones ordinis physici, tum intellectus, tum voluntatis, sunt habitus essentialiter: quia cum subiectum, v.g. intellectus, sit indiferens ad benē vel malē operandum, seu ad attingendum verum vel falsum, scientia determinat ipsum ad operandum benē, non malē, & ad attingendum verum, non falsum: Sed virtus est dispositio determinans subiectum ad benē operandum; cum illud compleat & determinet ad eliciendum actum ex se difficilem, conformiter ad rationem: Ergo est habitus essentialiter.

9. Confirmatur: Quæ dividunt & contrahunt per se, id est per proprias differentias essentiales, aliquam rationem communem, participant illam ut rationem genericam; sic dicimus quod equus & homo participant rationem animalis, tanquam proprium genus, quia eam dividunt per differentias sui constitutivas: Sed virtus & vitium dividunt & contrahunt per se rationem communem habitus: Ergo illam participant ut rationem genericam. Major patet, Minor probatur. Ratio communis habitus est disponere subiectum ad benē vel malē operandum: Ergo cum ex contradictione ad virtutem, habeat benē disponere; & ex contradictione ad vitium, malē disponere, signum est quod virtus & vitium per se dividunt & contrahunt rationem habitus.

10. Respondet Scotus, negando habitum esse qualitatem disponentem rem ad benē vel malē operandum, subinde per se dividit per benē vel male operari: quia (inquit) habitus per se tantum respicit actum, secundum esse physicum, cui nulla ut sic competit bonitas vel malitia determinata; sed comparatur ad illas, sicut subiectum ad sua accidentia, putat sicut homo ad albedinem & nigredinem.

Sed contra: Cūm de ratione habitus sit compere potentiam ad vincendam difficultatem quam experitur in actu, debet inclinare per se primò ad id quod magis difficile est in actu; At illud non est entitas phisica, sed rectitudine & bonitas moralis: Ergo habitus per se primò inclinat ad bonitatem moralem. Major est certa, Minor probatur. Entitas phisica actus procedens v.g. ab appetitu sensitivo, non superat facultatem potentiarum appetitivarum, cūm sit ejusdem ordinis cum illa; at si consideretur secundum bonitatem moralem & rectitudinem, importat aliquid pertinens ad potentiam superiorrem, nempe ad rationem cui conformatur, quod excedit vires appetitivis, à quo immediate procedit: Ergo illud quod in actu est magis difficile, non est entitas phisica, sed bonitas moralis, & rectitudine rationis.

Denique suaderi potest conclusio, convellen- do præcipuum Scoti fundamentum Ideò enim asserit habitum se habere tantum materialiter & tanquam subiectum ad virtutem, quia existimat quemlibet habitum ex natura sua esse indif-

ferentem ad bonitatem, per quam formaliter constituitur virtus, vel ad malitiam, quæ est de ratione vitij: Sed hoc falsum est: Ergo &c. Minor probatur: Nam primò si sit sermo de habitibus supernaturalibus, & infusis, hi cūm sint supernaturales, & operentur supernaturaliter, non possunt non respicere determinatè bonitatem. Idem patet de habitibus intellectualibus, nempe de sapientia & scientia: hi enim sunt determinati ad verum attingendum, quod est bonum intellectus, nec ullum dicunt ordinem ad falsum. Idem ostenditur de habitibus moralibus, & specialiter de prudentia; neque enim potest negari, hanc, cūm sit regula bonitatis moralis, dicere intrinsecum ordinem ad solam bonitatem: nam si ex propria ratione talis ordinem non importaret, deberet illum participare ab alio habitu, vel principio extrinseco, de quibus posset queri, an habeant ex se ordinem ad bonitatem, vel ab alio illum mutantur? Si hoc secundum, dabitur processus in infinitum: si primum, habemus intentum, nempe quod detur habitus ex sua intrinseca ratione bonus, & consequenter qui non se habeat solum subiectivè ad virtutem, sed qui participetur intrinsecè à virtute, sicut ratio superior generica ab inferiori.

S. II.

Solvuntur objectiones.

O B I C I E S primò contra primam conclusiōnem authoritatem Philosophi, qui 7. Physic. textu 17. ait: *Virtus autem omnis & virtutem ad aliquid sunt.* Ex quo inferit ad virtutem non dari per se motum, qui tamen datur ad qualitatem: Ergo ex Aristotele virtus non est in genere qualitatis, sed relationis.

Respondeo Aristotelem vocasse virtutem ad aliquid, non quod sit relatio predicamentalis, sed quia est relatio secundum dici, & fundat relationem predicamentalem, sicutque ab hac relatione denominatur relativa. Ex quo legitimè inferit, ad eam non dari motum alterationis, de quo ibi loquitur: quia motus ille terminatur ad folias qualitates tertia speciei, scilicet ad passionem & patibilem qualitatem.

Objicies secundò contra secundam conclusiōnem: Idem habitus potest amittere rationem virtutis, & inducere rationem vitij, vel econtra: Ergo comparatur ad virtutem & ad vitium, sicut subiectum ad alias formas accidentales, non vero sicut genus ad suas species. Consequens patet, Antecedens vero probatur primò. Ideo erat habitus Iudei offertis sacrificia ante mortem Christi, & post eius mortem: Sed talis habitus ante mortem Christi, vigente adhuc lege Mosaica, erat vera religio, post mortem vero Christi, & cessationem legalium, est vitium superstitionis, prudentiā ipsum non regulante: Ergo idem habitus potest amittere rationem virtutis, & inducere rationem vitij. Major probatur: Quia Iudeus eadem facilitate offert sacrificia post Christi mortem, ac antea: Ergo signum est, quod remanet idem habitus.

Secundò probatur Antecedens: Qui eliceret actus indeliberatos circa materiam temperantia, acquireret habitum inclinantem ad actus circa eandem materiam elicendos cum deliberatione & dictamine prudentiæ: Sed ille habitus primò

primō non esset virtus, ex defectu deliberatio-
nis, bene tamen postea, adveniente deliberatione & dictamine prudentiae, quia esset principium actuum deliberatorum, & conformium dictamini prudentiae: Ergo idem habitus transire potest à non esse virtutis ad esse virtutis.

¹⁴ Respondeo negando Antecedens. Ad cuius primam probationem, nego Majorem, quia mutarunt habitus. Et ad probationem in contrarium dico, facilitem, quā Iudeus offert sacrificia post mortem Christi, & legis Mosaica cessationem, non procedere per se ab habitu religionis quem antea habebat, sed solum per accidens, in quantum scilicet per actus elicitos ex praecedentia habitu removit impedimenta, B que possent retardare oblationem sacrificiorum post mortem Christi & legalium cessationem. Quod explicari potest in heretico, qui ubi pertinaciter erravit discredendo unum fidei articulum, putat presentiam corporis Christi in Sacramento, non minus facile videtur assentiri aliis articulis, ac antea, & tamen certum est hanc facilitatem non provenire ex influxu fidei, ex quo prius oriebatur, utpote quam amplius non habet: Oportet ergo quod proveniat ex remotione impeditorum, facta per praecedentes actus fidei.

Ad secundam probationem dicendum, ex actibus indeliberatis nullum habitum generari: C quare si aliquis post actus indeliberatos, sepius repetitos circa materiam temperantiae, sentieret majorem aliquam facilitatem ad veros actus temperantiae, haec facilitas non esset ex aliquo praeacquisito habitu, sed ex sola impeditorum remotione facta per actus illos indeliberatos.

¹⁵ Objicies tertio: Ita se habet ratio virtutis ad habitum, sicut bonitas moralis ad actum in esse physico: Atqui haec comparatur ad substantiam physicam actus, sicut accidens ad subiectum: Ergo illa ad habitum. Major probatur: Ideo bonitas moralis actus est accidentalis entitati actus, quia esse morale supponit esse physicum in quo fundatur, & ordo physicus est distinctus ab ordine morali: Atqui etiam ratio virtutis pertinet ad genus moris, & ratio habitus ad ordinem physicum: Ergo ita se habet ratio virtutis ad habitum, sicut bonitas moralis ad actum in esse physico.

¹⁶ Respondeo negando Majorem: quia habitus per se primō dantur & inclinant ad actum & objectum, prout simili habent moralitatem; imò per se primō inclinant ad ipsam moralitatem in actu virtuoso attingendam: unde cùm haec habitudo sit prima, debet consequenter esse essentialis. At verò in actibus tendentia ad objectum in esse moris non est prima, sed supponit aliam tendentiam ad objectum in esse physico. Unde ad probationem in contrarium respondeo, quod quamvis esse morale, quod est formaliter tale, supponat entitatem physicam, quia esse morale superinducitur entitati naturali ab agente moraliter, non tamen esse morale, quod est tale solum causaliter & virtualiter: est autem haec differentia inter actum & habitum virtuosum, quod in illo reperitur esse morale formaliter ut tale, non autem in isto, qui sicut non est formaliter liber, ita nec est formaliter moralis: quare non ideo dicitur moralis, quasi in eo existat formaliter moralitas, sed quia est causa moralitatis, & cum vir-

Tom. III.

tute continet. Quia ergo illud quod est virtuāliter tale, non distinguitur ab eo quod est formaliter tale, sicut calor virtualis Solis non distinguitur à luce, ideo moralitas habitus, quae est tantum virtualis, non debet distingui ab entitate physica, nec pertinet ad genus moris, nisi reductivē, quatenus est principium moralitatis. Et hujus rei exemplum habemus in esse artificioso, prout reperitur in actibus, seu effectibus, & prout reperitur in habitu artis: nam secundum priorem rationem pertinet formaliter ad genus artificiale, & ideo presupponit aliquam entitatem naturalem in qua fundatur; secundum posteriorem verò non pertinet ad genus entis artificialis, sed ad ordinem naturæ; & ita non presupponit aliquam entitatem tanquam fundamentum, sed pertinet ad primam & substantialiem entitatem actus. Aliam solutionem adhibent Salmantenses, sustinendo quod moralitas reperiatur etiam formaliter in habitu sed ista videtur melior & facilior.

ARTICVLVS II.

*An virtus humana sit habitus operativus,
& que sit ratio ex parte actus, ad quam
per se concurrevit?*

¹⁷ DURANDVS, Aureolus, & alij antiqui Theologi, negant habitum virtutis influere activè in operationem, & volunt ad illam solum dispositivè concurrere, nimis ut dispositionem passivam ipsius potentiae. Alij vero Theologi communiter docent habitum virtutis simili cum potentia efficienter influe in ipsum actum: sed quia multæ rationes in eo reperiuntur, nempe entitas & substantia physica, bonitas moralis, modus intensionis seu radicationis in subiecto, facilitas & promptitudo, adhuc difficultas est & controversia inter Authores, quid ex his virtus per se attingat in actu: Gotfredus enim quodlib. q. qu. 4. existimat habitum virtutis non concurrere nisi ad intencionem actus, conformato potentiam, & adjuvando illam ut fortius & intensius operetur. Vazquez autem & Montesino assertur concurrere solum ad modum facilitatis; Suarez vero ad moralitatem, non vero ad facilitatem, quam dicit non esse modum in actu, sed puram denominationem extrinsecam, provenientem à potentia per habitum completa, & facilè operante. Alij denique assertur, habitum virtutis influere in omnia quæ reperiuntur in actu virtuoso. Ita Capreolus, Caetanus, Martinez, & communiter Thomistæ.

S. I. *

*Duplici conclusione utraque difficultas
resolvitur.*

¹⁸ Dico primò, virtutem humanam esse habitum operativum, simulque cum potentia in actu virtutis influere. Ita D. Thomas arr. 2, ubi sic concludit: *Erit ideo de ratione virtutis humana est, quod sit habitus operativus.* Idem docet D. Augustinus libro de bono conjugali, ubi virtutem ait esse *habitum quo aliquid agitur.* Item Cicero lib. t. de natura Deorum, vocat virtutem *actusam.* Demum Patroclus apud Homerum Iliade 31. Achillem objurgat, quod

SI

DISPUTATIO PRIMA

329

virtus in eo nihil ageret: *O virtute quidem, & nullius prædicta frugis*, quasi contra v. rt. tis naturam sit, non ut illa ad operandum, seu esse sterilem ac infœcundam. Unde Ambrosius lib. de Isaac cap. 7. virtutis propriam esse fœcunditatem, vitij econtra sterilitatem; indeque summam virtutis pulchritudinem ac speciem, vitij autem deformitatem existere demonstrat in hunc modum: *Speciosa fœcunditas est bonorum operum, contraria enim speciositati scœnitis; quoniam qui privat vel decore, in eo est malum; quod autem malum, hoc sterile & infœcundum.* Cujus rei quod evidenter judicium quam natura est? Terra enim qua bona est, fertilius atque fœcunda; qua autem mala, ea fœcunda atque sterilis; qua vero fertilius, hoc decora. Quid enim pleno agri pulchritus, cum seges fluctuat, cum poma ruulant, vel cum uarum ferta dependent, aut baccis onusta olea curvescit, vel viridiani gramine montium verices, & valuum humilia vestiuntur? Confirmat hoc non nullis Scripturæ locis, tūm concludit: *Liquegitur, decorum id esse quod fœcundum, indecorum quod infœcundum. Similis est causa anima soli, quia ea decora anima, que fœcunda sit meritissima, fœcunda consiliis; ea indecora, que steriles infirmitate.* Constat igitur ex SS. Patribus virtutem, habitum operativum esse, neque illum, ut bellè quidam ait, lyræ quam nemo unquam tangat, vel gladio, qui nunquam è vaginâ eximatur, similem esse; aut navi qua ad profectionem ornata, in portu semper consistat.

19. Ratio etiam suffragatur: Perfectio enim potentiae ut activæ, non potest non esse activa: Sed virtus humana seu moralis est perfectio potentiae ut activæ: Ergo operativa est. Major patet: nam perfectio debet esse juxta naturam rei perfectibilis; unde perfectio potentiae activæ debet ad lineam activi pertinere. Minor vero suadetur: tūm quia virtus moralis perficit potentiam in ordine ad suum finem, nempe operationem: tūm etiam quia virtus moralis, cūm sit habitus mensuratus per regulas rationis, debet perficere potentiam ad vivendum secundum rationem: unde cūm vivere dicat actum secundum seu operationem, virtus moralis perficit potentiam ad operandum, subindeque est perfectio potentiae ut activæ.

20. Confirmatur: Virtus est potentia ratio agendi: Ergo est activa. Consequentia patet, Antecedens probatur. Illud dicitur ratio agendi respectu potentiae, cui assimilatur effectus procedens à potentia: Sed actus virtuosus procedens à potentia, assimilatur virtuti; nam dicit eandem tendentiam, & sub eadem ratione ad obiectum, quam virtus: Ergo virtus est potentia ratio agendi.

21. Dico secundò, virtutem moralem concurrere ad omnes rationes, tam physicas, quam morales, repertas in actu: cum hac tamen differentia, quod per se primò concurrat ad bonitatem moralē, tanquam ad rationem productam, & ad facilitatem, tanquam ad complementum & modum ipsius, ita ut de formali per se attingat utrumque; ad entitatem vero physicam ipsum præcisè sumptum non concurrat per se, bene tamen ut substratum bonitati morali, ejusque facilitati.

22. Probatur prima pars conclusionis: Potentia & habitus virtutis moralis indivisi concurrunt ad actum, quia efficiunt unicum principium, ex

facultate naturali & complemento ipsius constitutum; unde habitus virtutis moralis debet prius in ipsa potentia recipi vitaliter, ad hoc ut det ipsi facile & delectabiliter operari, antequam ipsa operetur, & consequenter dat illi facilitatem ad totum actum: Ergo habitus virtutis moralis concurrat ad omnes rationes, tam physicas quam morales, repertas in actu virtutis. Consequentia patet: nam si influxus potentie & habitus si indivisi ex parte principii, erit etiam indivisi ex parte termini.

Deinde suadetur eadem pars, impugnando in particulari tres sententias oppositas supra relatas. Et in primis quod habitus virtutis non habeat solum concurrere ad intensum actum, patet: quia stat potentiam habere habitum, & tamen non habere actum intensorem, sed minus intensum; habitibus enim utimur quando & quomodo volumus.

Deinde, quod non concurrat ad solum facilitatem actus, probatur: Tūm quia non potest intelligi concurrere ad facilitatem, nisi hoc ipso concurrat ad substantiam actus, & moralitatem; nam id est habitus concurrat ad facilitatem actus, quia reddit actum facilem potentiam; id est autem reddit actum facilem, quia dat potentiam virtutem completam ad speciem tam physicam quam moralē; si enim potentia esset secundum se ad hoc completa, facile illum produceret, ut patet de illis actibus ad quos non indiget habitu: Tūm etiam quia actus est per se effectus habitus in omni ea ratione in qua illi assimilatur: Sed non assimilatur in sola facilitate, sed etiam in specie & tendentia ad objectum: Ergo &c.

Tertiò quod habitus virtutis concurrat ad ipsum modum facilitatis, ex eo patet quod habitus est potentia faciliter & delectabiliter operari. Nec valet si dicas, facilitatem in actu virtutis non esse modum, sed puram denominacionem extrinsecam, provenientem à potentia per habitum completa, & faciliter operante. Nam quod facilitas sit modus intrinsecus, quo actus redditur facilis, docet expressè S. Thomas in 1. dist. 17. qu. 2. art. 4. ubi sic ait: *In actu anima est plura considerare, scilicet speciem, & modum, & effectum.* Et explicans hunc modum subdit: *Modus autem quem ponit habitus in opere, est facilitas & delectatio, ut dicit Philosophus 2. Ethicorum.*

Secunda vero pars conclusionis, quae asserit virtutem per se primò concurrere ad bonitatem moralē, tanquam ad rationem productam, & ad facilitatem, tanquam ad complementum & modum ipsius, ostenditur quod utrumque. Quod primum quidem ex Aristotele, & D. Thoma: Aristoteles enim 2. Ethic. cap. 5. dicit potentias esse per quas sumus potentes irasci vel misereri, sed habitus, quibus benè vel male. Et D. Thomas in 4. dist. 49. qu. 1. art. 2. quæst. 2. ad 1. *In actu (inquit) duo est considerare, scilicet substantia actus, & forma ipsius à qua perfectionem habet: actus ergo secundum substantiam principium est naturalis potentia, sed secundum formam suam principium est ejus habitus.*

Deinde probatur ratione: Ad illud per se primò concurrat habitus virtutis moralis, ad quod producendum potentia naturalis indiget tali habitu, ut constat ex ipsis terminis: Sed potentia naturalis indiget habitu virtutis mo-

23.

24.

25.

ralis ad producendum actum moraliter bonum, A
sive ad causandam in actu bonitatem moralem;
potentia quippe naturalis secundum se est tan-
tum potens producere actum, quantum ad sub-
stantiam, ut autem ipsum producat quantum
ad bonitatem moralem, indiget habitu virtutis
moralis, ex influxu rationis causato: Ergo habi-
tus virtutis moralis per se primò concurreat ad
bonitatem moralem actus, tanquam ad ratio-
nem productam.

Quod verò per se concurrat ad facilitatem,
tanquam ad complementum & modum ipsius,
manifestum videtur: Nam in hoc differt vis po-
tentiae superioris communicata inferiori per
modum transeuntis, ab ea quæ communicatur
per modum habitus, seu formæ complete,
constitutis principium perfectum & connaturale
actus, quod prima non tollit difficultatem,
secunda verò inducit facilitatem & dele-
stabilitatem: Ergo habitus virtutis moralis,
per se primò concurreat ad facilitatem conjunc-
tam bonitati morali actus, tanquam ad com-
plementum & modum ipsius bonitatis, ita ut
de formali & per se attingat utramque.

Tertia denique pars, quæ dicit habitum vir-
tutis moralis non efficerre per se entitatem actus
virtuosi, sed solum per accidens & secundariò,
inquantum scilicet est substrata bonitati morali,
eiusque facilitati, probatur primò ex Aristotele
Ethic. cap. 5. dicente, potentias esse per quas su-
mus potentes irasci & miseriari, sed habitus, qui-
bus benè vel male: ubi Aristoteles reducit influxum
habitū solū in bonitatem vel malitiam
actus, nequaquam verò in substantiam & enti-
tatem. Idem docet D. Thomas in 4. dist. 49. qu.
1. art. 2. quæstiunc. 2. ubi etiam attribuit totam
substantiam actus soli potentia, formam verò,
nempe bonitatem habitui, ut constat ex verbis
qua supra retulimus.

Probat secundò eadem pars ratione funda-
mentalē: Habitū solū influīt per se in id quod
vires potentiae excedit: Sed entitas physica actus
virtuosi non excedit vires potentiae: Ergo habitus
virtutis moralis & acquisita, non influīt per
se in entitatem physicam actus virtuosi, sed
per accidens tantum & secundariò, inquantum scilicet talis entitas est substrata bonita-
ti morali, eiusque facilitati. Major patet:
nam ut ait D. Thomas quest. sequenti art. 6.
Cū per habitū perficiatur potentia ad agen-
dum, ibi indiger potentia habitū perficiente ad
benè agendum, ubi ad hoc non sufficit propriaratio
potentia. Minor verò suadetur: Actus enim
v.g. potentia irascibilis aut concupisibilis, se-
cundum entitatem physicam consideratus, nihil
aliud dicit quam passionem appetitus sensitivi,
ut præscindit ab ordine rationis: Atqui passio illa sic sumpta, nihil habet quod excede-
dat vires potentiae elicitive, vel quod partici-
pet ex altiori potentia; cū videamus hujus-
modi potentias in brutis elicere similes actus
passionum, & sèpius magis intensos, quamvis non sit in eis potentia superior à qua de-
pendeant. Adde quod in quolibet actu debet af-
signari aliquid per se correspondens potentiae,
elicitive, quod aliud esse non potest, quam en-
titas physica: Ergo &c.

Solvuntur objectiones.

OBJICES primò contra primam conclu-
sionem: Effectus causæ æquivoca non
produci effectum similem sue causa; sicut quia
omne generabile est effectus Solis, nullum ge-
nerabile potest producere effectum ejusdem
rationis cum Sole: Sed actus moralis est causa
æquivoca virtutis, cùm non sint ejusdem spe-
ciei & rationis: Ergo virtus non causat actum
moralem, subindeque non est habitus opera-
tivus.

B Respondeo concessā Majori, negando Mino-
rem: actus enim moralis non est propriè causa
æquivoca habitus; quia causa æquivoca est prin-
cipialis, actus autem non causat habitum princi-
paliter, sed instrumentaliter, sicut quantum
ad permanentiam, in qua habitus excedit actum,
quamvis sit causa principialis secundum ten-
dientiam quam habitus dicit ad objectum, cùm
secundum hanc rationem sit ejusdem speciei
cum illo. Habitū ergo & actus quantum ad ali-
quid sunt causa univoca, & quantum ad aliud
causa instrumentales: si enim considerentur
quantum ad tendientiam ad objectum, cùm sit
ejusdem speciei in utroque, secundum hanc ten-
dientiam sunt causa univoca, & sic non im-
plicat actum causare tendientiam in habitu, &
habitū similem tendientiam in actu; sicut non
repugnat filium genitum generare alium patrī
similem. Si verò spectentur quantum ad diver-
sum modum quo participant hujusmodi tenden-
tiam ad objectum, sunt sibi causa instrumenta-
les & principales, secundum diversam ratio-
nem: nam habitus dicit hanc tendientiam per
modum permanentis, in quo excedit actum,
qui eam solum participat per modum transeun-
tis: econtra verò actus ex alio capite eam im-
portat per modum actus secundi, & ultimæ
actualitatis; & secundum hanc rationem ex-
cedit habitus, qui eam solum habet per modum
actus primi; & sic actus instrumentaliter solum,
& ut virtus potentia superioris, producit
similem habitū, ut hic dicit tendientiam per-
manentem; & habitus etiam instrumentaliter si-
milius actu, ut actus importat tendientiam per
modum ultimæ actualitatis. Præterea habitus
ut dicit tendientiam permanentem, producit
principaliter, seu, ut causa principialis, actum,
ut hic importat tendientiam transeuntē; econtra
verò actus, ut dicit ultimam actualitatem,
producit principaliter habitū, inquantum iste
importat solum rationem actus primi.

E Objicies secundò: Si habitus virtutis concur-
rit actiue cum potentia ad producendum actum,
vel concurreat ut duæ cause totales, vel ut par-
tiales? Non primum, quia plures causa totales
non concurrent ad eundem numero effec-
tum: nec secundum, quia causa partialis ne-
quit se sola producere effectum quem causat
cum consortio alterius; potentia autem se sola
potest producere actum quem causat cum habi-
tu virtutis: Ergo &c.

Respondeo, habitus & potentiam in ratione
causa non ponere in numero, nec esse plures
causas, arque adeò neque propriæ totales, neque
partiales, sed potentiam se habere ut causam, &
habitum ut complementum, ex quo & potentia
confligit unica causa completa: & ita idem pos-

- se potentiam se sola, quod cum habitu, sed cum habitu complete & perfecte, sine illo autem incomplete & imperfecte.
32. Objicies tertio: Virtus habet solum disponere potentiam ad agendum: Ergo non concurret effectivè ad actum. Consequens probatur: Complexio enim, seu temperamentum corporis, sanitas, & alia similia, disponunt potentiam operativam ad actus virtutis, & tamen non concurrent effectivè: Ergo nec virtus.
33. Respondeo negando Consequentiam, & paritatem: Virtus enim potentiam operativam disponit per se, directè, & positivè, tanquam perfectio illam intrinsecè determinans & compleans ad operandum: complexio verò, sanitas, & alia hujusmodi, per accidens tantum, & indirectè disponunt potentias operativas, removendo solum prohibens, non autem influendo in actum: unde non mirum si effectivè non concurrent cum potentia ad actum virtutis, sicut virtus.
34. Objicies quartò contra secundam conclusiōnem: In actibus vitiōs nihil est per se correspondens habitibus vitorum, sed totum quod est in illis correspondet voluntati: Ergo etiam in actibus virtutis nihil est per se correspondens habitibus virtutum, sed totum in ipsam potentiam reduci debet. Consequens manifesta videtur ex paritate rationis. Antecedens probatur: ad entitatem enim & intensionem actus vitiōs sufficit innata virtus voluntatis, motione divinā applicata. Idem videtur dicendum de malitia morali, & facilitate ipsius: quia haec non excedunt vim defectivam voluntatis; per hoc enim quod est ex nihilo, potest in infinitum, & maxima facilitate seipso deficere: Ergo in actibus vitiōs nihil est per se correspondens habitibus vitorum, sed totum quod est in illis correspondet voluntati.
35. Respondeo negando Antecedens: In actibus enim vitiōs est aliquid per se correspondens habitibus vitorum, cum proportione ad ea quae dicta sunt de actibus virtutum. Unde habitus cuiuscumque virtutis concurreat ad omnes rationes, tam physicas, quam morales, repertas in actu vitiōs; cum hac differentia, quod per se primò concurreat ad malitiam moralem, tanquam ad rationem productam, & ad facilitatem, tanquam ad complementum & modum ipsius, ita ut de formalē & per se attingat utrumque; ad entitatem verò physicam ipsius, praeceps sumptum, non concurreat per se, bene tamen ad illum ut substratum malitiae morali, ejusque facilitati. Unde ad probationem in contrarium dicendum, quod ad entitatem & intensionem physicam actus vitiōs sufficit innata virtus voluntatis, divinā motione applicata, si talis entitas & intensione praeceps sicutur, ut sunt in ordine physico; ad malitiam verò moralem, & ad facilitatem ipsius, non sufficit innata virtus voluntatis, sed requiritur ad hac habitus vitiōs: quamvis enim voluntas ex se sit defectibilis in actu primo, quia est ex nihilo, ut tamen deficiat in ordine morali facile, & delectabiliter, requiritur ut radicalis ejus defectibilitas per habitus vitorum compleatur.
36. Objicies quintò: Si virtus moralis attingeret per se primò moralitatem, specificaretur ab ea: Consequens est fallum: Ergo & Antecedens. Sequela Majoris patet, Minor probatur. Si virtus specificaretur à moralitate, deficiente hu-

A iusmodi moralitate, deficeret pariter virtus: Sed hoc dī nequit, nam eadē nō charitas perseverat in patria, ubi tamen non perseverat moralitas, defectū libertatis, quae est ejus fundamentum: Ergo &c.

Respondeo concessā sequelā, de virtute inesse morali, negando Minorem. Ad cujus probationem, nego etiam Minorem. Et ad ejus probationem dico quod charitas non perseverat in patria, sub ratione virtutis moralis, sed solum sub ratione virtutis Theologicae.

ARTICULUS III.

Quomodo virtus sit definienda?

INTE R omnes virtutis definitiones, quae cum Lex Philosopho, tum ex Patribus communiter afferuntur, ea est potissima, quam ex D. Augustini doctrina de sumpta tradit Magister in 2. dist. 27. & defendit hic D. Thomas art. 4. quae est hujusmodi: *Virtus est bona qualitas mentis, quā recte vivitur, quā nullus male uitetur, quā Deus in nobis sine nobis operatur.* In qua definitione qualitas tenet locum generis, reliqua verò particulae explicant varias ejus differentias. Nec mirum esse debet quod hæc definitio tradatur per genus remotissimum, quod est qualitas: quia hic modus definiendi, ut docetur in Logica, est legitimus, dummodo per alias particulas assignentur omnes differentiae, usque ad infimam; quod reperitur in proposito. Unde per primam particulam, *bona*, explicatur differentia virtutis à virtute, & aliis qualitatibus, quae rem male disponunt. Per particulam, *mentis*, designatur subjectum virtutis, quod est potentia rationalis, vel essentialiter, vel participativa, qualis est appetitus sensitivus, qui ut subest rationi, aliquid ex illa participat, & est subjectum virtutis, ut dicemus disputatione sequenti; & per hoc differt virtus ab omnibus qualitatibus purè corporeis, sive bonis, sive malis. Per particulam, *quā recte vivitur*, virtus distinguitur à qualitatibus non operativis immediate, cuiuscumque sunt pulchritudo & sanitas in corporalibus, in spiritualibus verò gratia habitualis, quæ immediatè inhæret substantię animæ: ly enim, *vivitur*, significat in proposito operationem vitalem. Per illam particulam, *quā nemo male uitetur*, virtus differt ab illis habitibus & qualitatibus, quae possunt ad malum vel fallsum inclinare, sive quibus aliquis potest bene vel male uti, cuiuscumque sunt opinio, fides humana, character, & similia. Demum ultimæ particulae, nempe *quā Deus in nobis sine nobis operatur*, convenienti solis virtutibus infinitis per se: quae in eo distinguntur ab acquisitionis, quod ista acquiruntur nobis operantibus, & actiū ad earum acquisitionem concurrentibus; illa verò sine nostro activo concursu producuntur in nobis, quamvis dispositivè ad earum receptionem per nostros actus Deo cooperemur. Unde si hæc ultima particula tollantur, hæc definitio convenit modo explicato omni virtuti tam intellectuali, & Theologicae, quam morali.

Objicies primò: Hæc definitio convenit dominis Spiritū Sancti, secundum omnes suas partes; sunt enim qualitates bona, à Deo nobis infusa, quibus recte operamur, & quibus ne-

mo potest malè uti, ut patebit ex infra dicendis. Convenit etiam continentia, & perseverantia, residentibus in voluntate, ne à passionibus vinctur, quæ tamen, ut docet D. Thomas, vera virtutes non sunt. Denique convenit synderesi, quæ nec virtus moralis est, nec intellectualis: Ergo non est legitima definitio.

^{39.} Respondeo cum D. Thoma infra qu. 63. art. 1. ad 3. non definiti hinc virtutem, secundum quod distinguitur à donis, sed secundum rationem utrisque communem. Quod si velimus restrin gere definitionem ad virtutes, prout distinguuntur à donis, hac particula, quæ relè vivitur, intelligenda est de restitutione vita qua accipiatur secundum regulam rationis: in hoc enim distinguuntur virtutes à donis, quod virtutes redunt hominem mobilem à ratione, sive illum perficiunt ad sequendum dictamen rationis, per prudentiam perfectæ; dona vero reddunt animam mobilem à Spiritu Sancto, sive disponunt ad secundum motum & illustrationem extraordinariam Spiritus Sancti, qualis fuit in Beata Appollonia, dum se ultro in ignem pro ipsis martyrio paratum conjecit, majori Spiritus Sancti igne intus accensa. Ad illud quod de continentia & perseverantia additur, dicendum eas non esse virtutes propriæ & simpliciter, quia non sunt principia operationis rectæ, perfectæ & completae restitutio, cum non reducant passiones ad mediocritatem, sed cum illis valde immoderatis permaneant: unde illis non convenit definitio virtutis, in qua particula ista, quo relè vivitur, intelligitur de completa & perfecta restitutio. Quoad synderesim autem dico il lam non esse quidem virtutem moralem, sed quid superius ad virtutes morales, & comparari ad illas, sicut initium & radicem, esse tamen virtutem intellectualem; & sic non esse mirum, si definitio virtutis modo explicato illi conveniat.

^{40.} Objicies secundò: Potest quis male uti virtute: Ergo illa malè definitur, bona qualitas mentis, quæ relè vivitur, quæ nullus male uitetur. Consequenter patet, Antecedens probatur. Potest quis uti religionis virtute v.g. ad orandum propter vanam gloriam: Sed hoc est male uti virtute: Ergo &c.

Confirmatur ex Augustino dicente in regula, superbiam bonis operibus insidiari; & ex Aristotele 2. Ethic. cap. 4. asserente ea quæ fiunt à virtutibus, licet sint justa & temperata, non tamen semper fieri justæ & temperatae.

^{41.} Respondeo, cum D. Thoma hinc art. 4. ad 5. posse aliquem male uti virtute tanquam obiecto, non tanquam principio effectus: quamvis enim virtus non possit efficere actum malum, potest tamen quis, considerando virtutes quas acquisivit, ex illis superbire: & haec est mens D. Augustini. Cum vero quis ex vana gloria movertur ad eliciendum actum virtutis, revera exercet actum malum, licet talis actus in estimacione hominum, qui de interiori non judicant, bonus videatur, & ab habitu virtutis elicitus, in quo sensu loquitur Aristoteles: propterea etiam Deuteronom. 16. præcepit Deus ut justè quod justum sit exequamur.

^{42.} Dices: Non minus est de ratione virtutis intellectualis inclinare ad verum speculativum, vel practicum, quam moralis ad bonum morale: Sed hoc non obstante potest virtus intellectualis inclinare ad opus defectuosum, & pra-

A Eticè falsum: potest enim piator v. g. uti suā arte ad pingendum cum aliquo defectu, vel Poëta ad condenda carmina defectuosa: Ergo simili ter poterit virtus moralis ad actum moraliter malum concurrens.

Respondeo concessa Majori, negando Minorē. Ad cuius probationem dicendum, quod quamvis artifex utendo arte defectum aliquem committat, ad illum tamē reduplicative sumptum ars non concurrit, sed solū ad id quod in ejus opere est bonum in genere artis. Ceterum aliquando optimus artifex de industria deficit, aut simulat ē deficeret, & in hac simulatione artem maximè manifestat: unde ad hoc artificium apparenter defectuosum concurrit ars, sed non ad verum defectum, ut tales.

Addo, inter bonitatem artificialē & moralē notabile reperi discrīmen: nam bonitas artificialis, seu conformitas ad unam regulam artis, non destruit propter defectum & deformitatem ad aliam; quia in una & eadem arte sunt multæ & diversæ regulæ, quarum una non dependet ab alia. At vero bonitas moralis per quaecumque malam circumstantiam tollitur, ut in tractatu de moralitate actuum humanorum ostendimus: illa enim desumitur ex una regula, & uno iudicio prudentiae, quod non considerat actum humanum secundum aliquam rationem abstractam & præcisam, sed ut est hinc & nunc omnibus suis circumstantiis vestitus.

^{Dif. 4.} ^{art. 1.} Præter definitionem virtutis jam explicatam,

& ex Augustino desumptam, tres alia circuferuntur. Prima traditur ab Aristotele 2. Ethic. cap. 6. his verbis: *Virtus est habitus, qui bonum facit habentem, & opus ejus bonum reddit.* In qua definitione explicatur duplex habitudo virtutis; una quam dicit ad proprium subiectum, tanquam ejus forma, dum dicitur facere bonum habentem; & alia ad operationem tanquam ad proprium effectum, dum additur, & *opus ejus bonum reddit:* & convenient non solum virtutibus moralibus & Theologicis, sed etiam suo modo virtutibus intellectualibus; quia etiam intellegentes inclinant ad opus bonum in suo ordine; nec possunt unquam ad falsum concurrere, ut ex supra dictis patet.

Secunda habetur apud eundem Philosophum eodem loco, his verbis: *Virtus est habitus elec-tivus, in mediocritate consistens, prout sapiens & prudens dictaverit.* Et ista definitione non convenit virtutibus Theologicis, nec intellectualibus, sed solū moralibus: virtutes enim intellectuales non sunt electivæ, cum electio sit solū in voluntate; virtutes vero Theologicæ non exigunt propriæ mediocritatem, ut infra explicabitur, sed solū Morales, ut justitia, temperantia, & similes, quæ versantur circa objectum medium inter duo extrema, excessum scilicet & defectum; ita tamen quod illud medium non intelligatur secundum rem, & non sit indivisibile & invariabile, sed secundum rationem, juxta exigentiam personæ, loci, & aliarum circumstantiarum: aliquando enim cibus v. g. qui est mediocris & temperatus respectu unius, est excedens & intemperatus respectu alterius, & propterea additur: *prout sapiens & prudens dictaverit.*

Tertia desumitur etiam ex Aristotele 3. physic. 3. ubi virtus dicitur *Dispositio perfecti ad optimum*, id est dispositio constituens perfectum, seu compleans potentiam in ordine ad actum eli-

^{§ 3}

ciendum; nam per ly, *optimum*, intelligitur
actus, quia hic pertinet ad ultimum potentiae
complementum.

DISPVATIQ. II.

De subiecto virtutum.

Ad questionem 66. D. Thome.

CERTVM est virtutes, cum sint habitus
immediate operativi, non in ipsa essentia
animi, sed in ejus potentissimi residere, unde
probat D. Thomas hic art. 1. Constat etiam vir-
tutes nec in membris exterioribus corporis, nec
in potentiss vegetativis, neque in sensibus ex-
ternis subiectari posse: quia hujusmodi faculta-
tes non sunt indifferentes ad operandum bene
vel male, sed omnino determinate ad unum
modum operandi, subindeque nullam secun-
dum se habent difficultatem in exercendis pro-
priis operationibus. Unde de quatuor solum po-
tentiss dubitari potest, utrum sint subiectum vit-
turis, nimirum de intellectu, de sensibus inter-
nis, de appetitu sensitivo, & de voluntate: de
quibus breviter hic agendum est.

ARTICVLVS PRIMVS.

*Vtrum intellectus & sensus interni possint
esse subjectum virtutum?*

1. **N**O T A N D V M primò , intellectum posse considerari dupliciter : primò secundum se , seu secundum id quod ei competit ex propria linea : secundò ut subest motionis voluntatis , cuius proprium est mouere quod exercitium intellectum , ceterasque potentias , in ordine ad proprium objectum , quod est finis .

2. Notandum secundò , ex D. Thoma h̄c art. 3 , duplē solē distingui virtutem ; unam quā est talis simpliciter , quā scilicet facit actum bonum simpliciter , & reddit simpliciter bonum habentem , nequē solum dat facultatem benē operandi , sed etiam rectum usum illius : aliam verò quā est virtus tantum secundum quid ; quia nec reddit bonum simpliciter habentem , nec dat bonum usum , sed duntaxat facultatem benē agendi . His præmissis , pro resolutione difficultatis proposita :

Dico primò , intellectum secundum se consideratum , esse subjectum virtutis ; non tamen virtutis simpliciter , sed tantum virtutis secundum quid .

3. Prima pars patet : Virtus enim ponitur in illis potentias , quās sunt indifferentes ad diversum modum operandi circa proprium objectum , bene scilicet aut malè , & quā secundum se habent difficultatem in exercendis propriis operationibus : Sed utrumque convenient intellectui secundum se considerato ; ille enim est indifferens ad intelligendum bene vel malè , seu ad attingendum objectum sub ratione veri vel falsi , & ad attingendum verum patitur difficultatem : Ergo in illo poni debet aliquis habitus , quo de-

A terminetur, inclinetur, & faciliteretur ad attingendum verum. Unde, ut infra dicimus, in intellectu speculativo dantur tres habitus, nimirum intelligentia, scientia, & sapientia, quibus disponitur, inclinatur, & determinatur ad attingendum verum immediate & fine discursu, atque mediatae & cum discursu.

B Secunda vero pars, quæ asserit hujusmodi habitus in intellectu speculativo residentes, non esse virtutes simpliciter, sed tantum secundum quid, probatur dupli ratione quam insinuat D. Thomas hic art. 3. Prima est: Virtus secundum quid est illa quæ tribuit tantum facultatem bene operandi, non vero rectum usum illius, seu applicationem ejus in ordine ad finem honestum: Sed virtus recepta in intellectu secundum se considerato, & ut prævenit motionem voluntatis, tribuit solum facultatem bene operandi, pura scientia bene intelligendi, non vero rectum usum illius, seu applicationem actus in ordine ad finem honestum; quia cum finis honestus sit objectum voluntatis, nulla potentia potest ad eum ordinare suum actum, nisi ex voluntatis motione: Ergo solum virtus secundum quid potest recipi in intellectu, secundum se considerato, & ut prævenit motionem voluntatis in ordine ad finem honestum.

Secunda ratio D. Thomæ est: Virtus simpliciter reddit habentem simpliciter bonum: Sed virtus intellectus secundum se sumptu non reddit habentem simpliciter bonum: Ergo non est virtus simpliciter. Major patet, Minor probatur. Ex hoc enim quod aliquis haber scientiam Theologiae, vel Philosophiae v. g. non dicitur bonus simpliciter & absolute, sed secundum quid, & cum addito, scilicet bonus Theologus, & bonus Philosophus: unde Theologus, si fidei peccator, denominatus simpliciter malus.

Dico secundò, intellectum, ut mobilem à voluntate per affectum boni honesti & moralis, esse subiectum virtutis simpliciter. Ita S. Thomas articulo citato, & sequitur ex praecedentia conclusione. Habitus enim, qui nedum dant facultatem benè operandi, sed etiam rectum usum illius facultatis, sunt virtutes simpliciter: Atqui habitus afficiens intellectum, ut mobilem à voluntate per affectum boni honesti & moralis, dant nedum facultatem benè operandi, sed etiam rectum usum illius: Ergo sunt virtutes simpliciter. Major patet ex diis in praecedenti conclusione, Minor verò probatur. Ex eo enim quod aliquis habitus affectus intellectum, ut mobilem à voluntate ex affectu boni honesti & moralis, nedum rectificat intellectum, sed etiam voluntatem moventem, & eam inclinat ad recte movendum: Sed hoc est dare rectum usum: Ergo &c.

Ecce.
Confirmatur: Virtus quæ est in intellectu, ut
E mobili à voluntate per affectum boni honesti,
tendit in bonum honestum & morale, quod est
bonum simpliciter, & denominat simpliciter bo-
num habentem: Ergo est virtus simpliciter. Ex
quo

Inferes primò, prudentiam esse virtutem simpliciter, non vero fidem, vel artem. Nam prudētia afficit intellectum practicum, ut mobilit̄ ex amore boni honesti & moralis; licet enim tendat ad verum agibile, tanquam ad rationem sub qua, ejus tamen ratio qua, est bonum morale, ut tale, vel est verum, non purè intellectuale & speculativum, sed morale & practicum,